

Siunnersuummut oqaaseqaatit

Nassuiaatit nalinginnaasut

1. Aallaqqaasiut.

Suliffeqanngikkallarnermi ikiorsiissuteqartarneq pillugu peqqussummi atuuttumi ataasiakkaanik ingerlatsinermtut tunngasunik kukkuneqarpoq. Allannguutissatut siunnersuut tassaavoq taakkuninnga naqqiineq.

2. Siunnersuummi immikkoortut pingaarnerit.

Aallannguutissatut siunnersuut peqqussummi atuuttumi suliffeqanngikkallarnermi ikiorsiissummik tunniussinissamut piumasaqaatit pillugit aalajangersakkap kalaallisuanut allannguuteqarpoq, tassami kalaallisoornera atuuttoq ersernerluppallaarmat.

Aammalu siunnersuut peqqussummi atuuttumi Ikiuisarnermtut Tunngatillugu Maalaartarfimmut naammagittaalliutigineqarsinnaasunik kommunalbestyrelsip peqqussummut tunngatillugu aalajangiiffigisinnaasaanut tunngatillugu aalajangersakkamut naqqiummik imaqarpoq. Naqqiinissaq pisariaqarpoq tassami peqqussummi atuuttumi aalajangersakkami innersuussineq kukkuneqarmat.

Aammalu allannguutissatut siunnersuut peqqussutit atuuttup kalaallisuanut naqqiummik imaqarpoq, tassami peqqussutit kalaallisuuani ulloq atuutilerfissaa aammalu ikaarsaariarnissamut maligassaq ullulerneqarsimangimmat.

3. Aningaasatigut ingerlatsinikkullu pisortanut sunniutissat.

Aallannguutissatut siunnersuut pisortanut aningaasatigut ingerlatsinikkullu sunniuteqartussaangilaq.

4. Suliffissaqanngitsumut aningaasatigut ingerlatsinikkullu sunniutissat.

Aallannguutissatut siunnersuut suliffissaqanngitsumut aningaasatigut ingerlatsinikkullu sunniuteqartussaangilaq.

5. Aningaasatigut ingerlatsinikkullu inuussutissarsiutinut sunniutissat.

Aallannguutissatut siunnersuut inuussutissarsiutinut aningaasatigut ingerlatsinikkullu sunniuteqartussaangilaq.

6. Avatangiisinut pinngortitamullu sunniutissat.

Allannguutissatut siunnersuut avatangiisinut pinngortitamullu sunniuteqassangilaq.

7. Naalagaaffeqatigiinnermut namminersulernissamullu tunngatillugu pissutsit.
Allannguutissatut siunnersuut Naalagaaffeqatigiinnermut namminersulernissamullu tunngatillugu sunniuteqassanngilaq.

8. Pisortanik kattuffinnillu tusarniaaneq.
Siunnersuutip ilusaa pissutigalugu tusarniaatigineqarsimanngilaq.

Peqqussutissatut siunnersuummi aalajangersakkanut ataasiakkaanut oqaaseqaatit

§ 1-imut

Nr. 1-imut

Inatsisartut peqqussutaata kalaallisoortani oqaasertai naqqissornerqarput paasiuminarsarneqarlutillu, aalajangersakkalli imaa allanngortinneqarani.

Nr. 2-mut

Tassani innersuussutigineqassaaq inatsisartut peqqussutaanni § 4, imm. 4. Innersuussineq eqqortoq tassaavoq § 4, imm. 5. Aalajangersagaq taassuminnga naqqiinerinnaavoq.

Nr. 3-mut

Inatsisartut peqqussutaata atuuttup kalaallisuuani ulloq atuutilerfissaa aammalu ikaarsaariarnermi periusissap ullua allassimavoq "xx.yy. 2006". Siunnersuutip § 1, nr. 2-mi taamaallaat taassuma 1. juli 2006-inngorlugu naqqinneqarnissaa siunertaavoq.

§ 2-mut

Siunnersuutigineqarpoq inatsisartut peqqussutaata ullormi nalunaarutigineqarfimmini atuutilernissaa.

Peqqussutip atuuttup immikkoortortani tamaasa ilanngullugit atuutilerpoq 1. juli 2006, taakkunani § 18, imm. 1-ip kalaallisoortani kukkuneqarsimagaluarpalluunniit. § 18-ip naqqinneqarnera ilusaanik naqqiinerinnaavoq.

Allannguutit suliffeqanngikkallarnermi ikiorsiissutit pillugit inatsisartut peqqussutaata nr. 5, 1. juni 2006-imeersup atuutileraniit atuutilissapput. Taamaalilluni allannguutit 1. juli 2006 atuutilerput, tamatumali innuttaasooq kingumoorumik nammagassissanngilaa.

Imm. 2-mi aalajangersakkap peqqussutip aallaqqaammulli siunertaa, tassa maalaarutit, maalaarfissatut § 17, imm. 2-mi piffissaliussaq malinneqarsimappat, § 4, imm. 5 malillugu Isumaginninnermi Naammagittaalliuuteqarfimmit suliarineqartarnissaat, qularnaassavaa. Taanna ikaarsaariarnermut aalajangersagaq

piffissami 1. juli 2006-miit allannguutitut peqqussutip atuutilerneranut
maalaarutaasimasunut taamaallaat tunngavoq. Maalaaruteqarsimassagaluarpat
piffissami tassani tunngavissamik amigaateqarneq pissutigalugu
itigartinneqarsimasunik, aalajangersagaq maalaarutip suliareqqinneqarnissaanut
periarfissiivoq.